

尚書今古文注疏

甘誓第四 虞夏書四

尚書今古文注疏卷四

賜進士及第授通奉大夫山東督糧道加三級孫星衍撰

疏書序云啓作甘誓史記夏本紀云有扈氏不服啓伐之大戰於甘將戰作甘誓俱以爲啓伐有扈墨子明鬼篇作禹誓引此文莊子內篇人間世云禹攻有扈國爲虛厲呂氏春秋先已篇云夏啓相與有扈戰於甘澤而不勝六卿請復之案相當爲格字又召類篇云禹攻曹魏屈鷲有扈以行其教刑所云柏者謂伯禹也楚詞天問云伯禹腹鯀說苑正理篇云昔禹與有扈氏戰三陳而不服禹於是修教一年而有扈氏請服凡此諸書或與孔子同時皆未見書序而以甘誓爲禹事當必本古文書說也莊子旣云國爲虛厲則有扈滅於禹時不應啓復伐之惟淮南齊俗訓云昔有扈氏爲義而亡注云有扈夏啓之庶兄也以堯舜舉賢禹獨與子故伐啓啓亡之不知高誘所據何書又與禹伐有扈違異至書序以爲啓作者因此篇序在禹貢後故定爲啓事耳亦

不必以書序

廢古說也

大戰于甘

大傳說戰者憚警之也馬融曰甘有扈南

郊地名甘水名今在鄂縣西鄭康成曰天子之兵故曰

大

疏大傳說見白虎通誅伐篇云戰者何謂也尚書大傳曰戰者憚警之也夏本紀云將戰作甘誓乃召

六卿申之是未戰也未戰稱大戰者謂天子親征之師故大傳以戰爲憚警之不以爲戰也馬注見史記集解及釋文云甘有扈南郊地名又云水名者呂氏春秋大已篇云戰于甘澤水經注云渭水東逕槐里縣故城南渭水又東合甘水水出南山甘谷北逕秦文王黃陽宮西又北逕五柞宮東又北逕甘亭西在水東鄠縣昔夏啓伐有扈作誓於是亭甘水又東得澇水口澇水北注甘水而亂流入於渭卽上林故地也與馬注合在今陝西鄠縣鄭注見書疏云天子之兵故曰**乃召六卿**大者白虎通三軍篇說爲天子自出也

注史

遷說乃召六卿申之鄭康成曰六卿者六軍之將周禮

六軍皆命卿則三代同矣

說

墨子明鬼篇云王乃命左

公說爲申之者史記孫子列傳云約束不明申令不熟將之罪也既已明而不如法者吏士之罪也六軍吏士多必告六卿使申令也鄭注周禮大司馬云天子六軍三三而居一偏賈誼新書云紂將與武王戰紂陳其卒左臆右臆是天子親征王爲中軍六卿左右之也鄭注見詩械樸疏及曲禮疏云六卿六軍之將者詩小雅瞻彼洛矣以作六師傳云天子六軍疏云一卿將一軍周禮司馬政官之屬凡制軍萬有二千五百人爲軍王六軍大國三軍次國二軍小國一軍軍將皆命卿注云言軍將皆命卿則凡軍帥不特置選于六官六卿之吏自卿以下德任者使兼官焉魯語云天子作師公帥之以征不德注云師謂六軍之衆也公謂諸侯爲王卿士者也周禮將軍皆命卿曲禮疏久引鄭注大傳夏書云所謂六卿者后稷司徒秩宗司馬作士共工也鄭云三代

同者夏時六卿即王曰嗟六事之人注鄭康成曰變六謂六卿后稷等也

卿言六事之人者言軍吏已下及士卒也疏嗟當為詹此省文釋

詰云嗟咨嗟也駸亦俗字鄭注見書疏云言軍吏下及

士卒者周禮司馬政官之屬二千有五百人為師師帥

皆中大夫五百人為旅旅帥皆下大夫百人為卒卒長

皆上士二十五人為兩兩司馬皆中上五人為伍伍皆

有長一軍則二府六史胥十人注史遷汝作

徒百人此周制或夏殷已然也注子誓告汝注史遷汝作

女馬融曰軍旅曰誓會同曰詰鄭康成曰誓戒要之以

刑重失禮也疏誓者曲禮云約信曰誓注云誓禮亡誓

誓收誓費誓秦誓也馬注見釋文云軍旅曰誓者軍旅

者周禮小司徒云五人為伍五伍為兩四兩為卒五卒

為旅五旅為師五師為軍以起軍旅注云兩二十五人

卒百人旅五百人師二千五百人軍萬二千五百人也

誓如湯誓大誓等也云會同曰誥者會同諸侯以伐國
若大誥等事也大誓諸侯成會武王乃作大誓告於衆
庶不言誥者不期而會非武王
諸諸侯以伐商也鄭注見書疏

有扈氏

注

馬融曰妘姓

之國爲無道者鄭康成曰有扈與夏同姓

疏

地理志右扶風縣名扈夏后

國有扈谷亭扈夏啓所伐說文鄂右扶風縣名扈夏后
同姓所封戰于甘者在鄂有扈谷甘亭古文作岢史記
正義引訓纂云戶扈鄂三字一也古今字不同耳又引
地理志扈谷亭作戶亭馬注見釋文云妘姓之國者周
語帝嘉禹德賜姓曰妘氏曰有夏謂其能以嘉祉殷富
生物也注云堯賜禹姓曰妘妘猶祉也楚語觀射父曰
堯有丹朱舜有商均夏有觀扈周有管蔡是觀及有扈
皆夏同姓高誘注呂氏春秋先已篇云有扈夏同姓諸
侯鄭注見書疏

威侮五行怠棄三正

注

大傳說正色三而復者

也三正之相承若順連環也王者一質一文據天地

之道馬融曰建子建丑建寅三正也鄭康成曰五行四

時盛德所行之政也威侮暴逆之三正天地人之正道

疏威者老子民不畏威注云害也後漢杜詩傳威侮二

立五行起消息洪範九疇一五行一曰水二曰火三曰

木四曰金五曰土文子徵明篇引中黃子曰天有五行

地有五行人有五位五行大義第五引詩緯等說云木

神則仁金神則義火神則禮水神則信土神則智又引

毛公傳及京房等說皆以土爲信水爲智五常配五行

虐慢五行則是無五常也威侮謂虐用而輕視之怠者
釋言云懈怠也怠亦爲懈棄者釋言云忘也三正在夏
殷周已前則公羊疏引鄭注堯典云高陽氏之後用赤
繪高辛氏之後用黑繪其餘諸侯皆用白繪朱均注禮
含文嘉云三帛謂朱白蒼象三正宋書禮志云二而復
者正色也二而復者文質也以前檢後謂軒轅高辛夏
后氏漢皆以十二月爲正少昊有唐有殷皆以十二月

爲正高陽有虞自周皆以十一月爲正又通典引尙書
中候亦有其事據此則夏以前有三正懈廢之謂不奉
正朔也大傳說見白虎通三正篇云正朔有三何本天
有三統謂三微之月也禮三正記曰正朔三而改文負
再而復也十一月之時陽氣始養根株黃泉之下萬物
皆赤赤者盛陽之氣也故周爲天正色尙赤也十二月
之時萬物始牙而白白者陰氣故殷爲地正色尙白也
十三月之時萬物始達孚甲而出皆黑人得加功故夏
爲人正色尙黑書微子疏引大傳云周人以日至爲正
殷人以日至後三十日爲正夏人以日至後六十日爲
正略說云夏以平旦爲朔殷以雞鳴爲朔周以夜半爲
朔已上注引大傳及此引略說據孔氏廣林集大傳本
案以平旦爲朔者平旦值寅時雞鳴值丑時夜半值子
時然則夏殷周分日各異不皆以子時分日也馬注見
釋文亦同大傳說鄭注見史記集解以爲天地入之正
道者據繫辭陰陽柔剛仁義爲說以夏已前三正經無
明文故不天用勦絕其命注勦一作剝疏勞也勞與天
從大傳也

登相近淮南子云食穀者智慧而天千金方引黃帝問伯高對曰食穀者則有智而勞神是勞即天也白虎通壽命篇云隨命者隨行爲命若言怠棄三正天用勦絕其命矣勦說文作剝云絕也引此文廣雅釋言云剝天也言其廢捐五常人道天用天絕其命說文用剝則孔壁古文也漢書外戚傳云命櫟絕而不長假音字高誘注淮南云搔勞也櫟即搔字之俗音相近今子惟恭行天之罰注史遷惟

作維墨翟書作有日日中今子與有扈氏爭一日之命

且爾卿大夫庶人子非爾田野稼士之欲也子共行天

之罰也史遷恭爲其一作龔疏史公惟作維者凡向書

墨翟書見明鬼篇引禹誓云有日月中今子與有扈氏爭一日之命云云三十字墨子所見古文書與今本異或脫簡或孔子所刪也云日中與有扈氏爭一日之命者與傳記所載義異呂氏春秋先已篇云夏后州與有

扈戰於甘澤而不勝六卿請復之夏后相曰不可吾地
不淺吾民不寡戰而不勝是吾德薄而教不善也於是
乎處不重席食不貳味琴瑟不張鐘鼓不修子女不飾
親親長長尊尊賢使能期年而有扈氏服說苑亦云修教
一年而有扈請服則不當如墨子所引與有扈氏爭一
日之命也云田野葆土者葆同保鄭注月令云小城曰
保俗作堡言不貪其土地人民共作恭與史記同高誘
注呂氏春秋作龔漢書文選多引作龔說文龔慤也龔
給也此恭行天罰當作龔慤謹也言謹行天罰白虎通
三軍篇云命子惟恭行天之罰此言開自出伐有扈也

左不攻于左汝不恭命右不攻于右汝不恭命御非其
馬之政汝不恭命注史遷恭命俱作其命正作政鄭康

成日左車左右車右汝一作若疏攻者釋詁云善也恭

文云龔給也給亦具也義與共通史公作共者釋詁云
共具也正作政者墨子亦云御非爾馬之政詩出車箋

云御夫則茲益樵梓憂其馬之政亦用此文是古文作
政也鄭注見史記集解云左車左右車右者此左右三
人共乘一車謂士卒之車魯頌闕宮箋云兵車之法左
人持弓右人持矛中人御是也汝墨子作若者鄭注考
工記云若猶女也莊子齊物論用命賞于祖弗用命戮
法云若而皆汝也俱假音字

于社子則孥戮汝注史遷弗作不戮作僂孥作帑一作

奴疏墨子明鬼篇引此文說云賞於祖者何也言分命

祖者何也告分之均也僂于社者何也言聽獄之事也又云賞于
者廟主社者社主太平御覽三百六引華虞決疑要注
曰古者帝王出征伐以齊車載遷廟之主及社主以行
故尚書甘誓曰用命賞于祖不用命戮于社秦漢及魏
行不載主也路史疏佐紀有虞引尙書大傳云古者遷
守以遷廟之主行出以幣帛皮圭告于祖遂奉以載于
齊車每舍奠焉然後就舍反必告奠卒斂幣玉藏之兩
階之間蓋貴命也說本曾子問社主亦在軍者周禮大

司馬之職涖象主及軍器注云主謂遷廟之主及社主
在軍者也凡師既受甲迎主于廟及社主祝奉以從殺
牲以血塗主及軍器皆神之然則出載主與象主是古
禮也奴者漢書注李奇曰男女徒總名爲奴戮者廣雅
釋詁云辱也周禮司厲其奴男子入于罪隸女子入于
春彙注鄭司農云今之奴婢古之罪人也故書曰子則
奴戮汝論語曰箕子爲之奴罪隸之奴也漢書季布樂
布傳贊云奴僇苟活是亦以奴僇爲奴辱也鄭注周禮
云奴從坐而沒入縣官者男女同名案三代已前父子
兄弟罪不相及至秦始皇有連坐收帑之法以此說夏書
更不合周禮司厲又云凡有爵者與七十者與未斲者
不爲奴此先王寬政七十與未斲俱不與服戎有爵者
蓋別有罰故此言奴戮以誓衆也僞孔旣以爲辱及汝
子其于湯誓又云權以育之使勿犯皆失之史公戮爲
僇者與墨子文同表記云則刑戮之民也釋文戮本作
僇廣雅釋詁云戮辱也是戮僇通字僇蓋書古文也孥
俗字當爲奴鄭司農所引蓋今文也漢書王莽傳引此
文亦作奴詩常棣樂爾妻孥疏引此文作帑亦假借字

說文以帑爲
金幣所藏字

甘誓第四終

湯誓第五

商書一

尙書今古文注疏卷五

賜進士及第授通奉大夫山東督糧道加三級孫星衍撰

注鄭康成曰契始封商遂以商爲天下之號商國在太

華之陽

疏

湯誓者告民伐桀之詞百篇之書湯誓前有帝告釐沃湯征汝鳩汝方夏社疑至臣扈等

共七篇僞傳誤以汝鳩汝方一篇爲二失之今唯湯征

篇存于殷本紀餘篇俱亡則湯誓爲商書第一篇也鄭

注見書疏云契始封商湯遂以商爲天下之號鄭元之

說亦然又見殷本紀集解引鄭元云商國在太華之陽

殷本紀云殷契佐禹治水有功封于商賜姓子氏此鄭

所據云商國在太華之陽者史記正義引括地志云商

州東八十里商洛縣本商邑古之商國帝嚳之子禹所

封也然則契始封在今陝西商州左傳襄九年疏引服

虔云相土居商丘故湯以爲天下號與鄭異者案春秋

左氏襄九年傳十弱曰陶唐氏之火正闞伯居商丘相

土因之則商。是則伯所居，非契所封之商。殷本紀云：自契至成湯，八遷。蓋自相土遷居於此，此商。上在今河南歸德府爲縣，名左傳疏引釋例云：宋商，商。上二名一也。地梁國，雖陽縣也，或以爲漳水之南，故殷虛爲商。上非也。據此，則與鄭所稱商國在太華之陽者，相去甚遠。服說失之。湯既以商爲有天下之號，後又稱殷者，商頌譜疏云：成湯之初，以商爲號，及盤庚遷于殷，以後或呼爲殷，故書序云：盤庚五遷，將治亳。殷注云：商家改號爲殷。元鳥云：殷受命咸宜。殷武云：撻彼殷武，是其兼稱殷也。雖或稱殷，不是全改商號。故大明云：殷商之旒蕩云：杏汝殷商，皆取先後二號，而雙言之，不全改也。襄九年疏又云：如鄭元意，契居上洛之商，至相土而遷于宋之商。及湯有天下，遠取契所封商，以爲一代大號。說此注最明。湯名履，殷本紀云：契卒，子昭明立。昭明卒，子相土立。相土卒，子昌若立。昌若卒，子曹圉立。曹圉卒，子冥立。冥卒，子振立。振卒，子微立。微卒，子報丁立。報丁卒，子報乙立。報乙卒，子報丙立。報丙卒，子主壬立。主壬卒，子主癸立。主癸卒，子天乙立。是爲成湯。集解引張晏曰：禹湯皆

字也二王去唐虞之文從高陽之質故夏殷之王皆以
名爲號諡法曰除虐去殘曰湯索隱云稱天乙者譙周
云夏殷之禮生稱王死稱廟主皆以帝名配之天亦帝
也殷人尊湯故曰天乙從契至湯十四代故國語曰元
王勤商十四代與元王契也湯都有二說一在今河南
偃師漢書地理志云河南郡偃師戶鄉殷湯所都史記
正義引括地志云亳邑故城在洛州偃師縣西十四里
本帝畧之墟商湯之都也一在今山東曹縣詩元鳥疏
引漢書音義曰臣瓚案湯居亳今濟陰薄縣是也今薄
有湯冢已氏有伊尹冢皆相近疏又引皇甫謚以穀熟
爲南亳卽湯都也蒙爲北亳卽景亳是湯所受命也偃
師爲西亳卽盤庚所徙者也與班氏及鄭說不合謚言
不足爲據也

王曰

疏

此將伐桀而稱王者殷本紀載此誓下云於是

是湯改號在伐桀之前

格爾衆庶悉聽朕言

注

史遷格

虞秉鉞傳云武王湯也

作來爾作女

疏

史記殷本紀載此文云湯曰格女衆庶

者蓋以訓格爾也格來釋言文悉者釋詁云盡也

非台小子敢行稱亂

注史遷

非作匪稱作舉馬融曰台我也

疏

台者釋詁云我也稱者釋言云僞舉也說

文再再舉也稱與再僞聲相近故史公以稱爲舉馬氏以台爲我也馬注見史記集解

有夏多罪

天命殛之

注

史遷有夏多罪下作子維聞女衆言夏氏

有罪予畏上帝不敢不正今夏多罪天命殛之

疏經文

子惟
獨女衆言已下四句在舍我稽事而割政夏之後今夏多罪一句經文所無史公次在此與經文異者或古文如是歷者釋言云誅也
今爾有衆汝曰我后不恤我衆舍我稽事

而割正夏

注

史遷爾作女后作君稽作奇正作政

字

疏

舍者釋詁云廢舍也禮者詩傳云斂之曰穡割者

廣雅釋言云害割也正與政通言舍我穡事而為害民之政者桀時重斂民無蓋藏也下文言率割夏邑史記割作奪多方言桀剽割夏邑是言其害政也史公后為君用釋詁文穡為穡說文尚愛濫也田夫謂之耆夫古文作畝方言云耆積也儀禮特牲饋食禮主人寫耆于房注云耆者農力之成功政言政令無夏字者段氏玉裁云偽傳云正政也言奪民農功而為割剝之政疏云為割剝之政于夏邑增此三字以暢經意耳今文古文皆無夏字後人

子惟聞汝眾言夏氏有罪子畏上帝不

敢不正

注

史遷惟作維自子維至不正在今夏多罪天

命殛之之前

疏

云夏氏者周語稱禹有平水之功皇天嘉之胙以天下賜姓曰姒氏曰有夏則

夏雖為有天下之號實即氏也言女眾俱言夏氏有罪天聽自我民聽子畏天不敢不正夏之罪上帝天也段

氏玉裁云天命厥之今女有衆女曰我君不恤我衆舍
我齋事而割政共廿二字子惟聞女衆言夏氏有罪子
畏上帝不敢不正今夏多罪共廿二字適與尙書先後
倒易以漢書攷之尙書每簡或廿二字或廿五字此則
伏生壁藏之簡甲乙互異之故也劉歆移書太常博士
曰得此逸禮逸書呂考學官所傳經或脫簡傳或間編
湯誓正間編之一證今汝其曰夏罪其如台注史遷夏罪作有罪
如台作柰何疏史公夏罪爲有罪者今文異字如台爲
音之轉一切經音義八引蒼頡篇云奚何也台聲近奚
故爲何班固典引云作者七十有四人今其如台獨闕
也謂如何而不封禪傳夏王率遏衆力率割夏邑有衆率
僞傳以台爲我夫之注夏王率遏衆力率割夏邑有衆率
怠弗協注史遷遏作止割作奪協作和馬融曰遏止也
衆民相率怠惰不和同疏此三率字借爲聿聿者文選
江賦注引薛君韓詩章句云

辭也。聿蓋吹假借字。馬氏以率怠之率爲相率亦失之。夏邑者白虎通京師篇云或曰夏曰夏邑殷曰商邑周曰京師尚書曰率割夏邑謂桀也怠者釋言云懈怠也民不得收斂則怠於耕作弗協者言多怨言史公遇爲止者釋詁文止衆力卽上文舍穡事也割爲奪者今文異字言奪其收斂協爲和者釋詁文說文協衆之同和也。馬注見史記集解曰時日曷喪子及汝皆亡注史遷時作是曷

喪作何時喪及作與鄭康成曰桀見民欲叛乃自比于

日曰是日何嘗喪乎日亡我與汝亦皆喪亡引不亡之

微以脅恐下民也疏史公時爲是者釋言文曷爲何者詩傳文及爲與者釋詁文鄭注見

書疏云桀自比于日云云者尚書大傳云伊尹入告于桀曰大命之亡有日矣桀曰天之有日猶吾之有民也日有亡哉日亡吾亦亡矣鄭注云自比于天言常在也此于日言去復來也又見新序刺奢篇及韓詩外傳今

本大傳脫日有亡哉一句据史記集解增之孟子梁惠
王篇引湯誓曷爲害說之云民欲與之偕亡注云時是
也日乙卯日也害大也言桀爲無道百姓皆欲與湯共
伐之湯臨士衆誓言是日桀當大喪亡我與汝俱往亡
之與鄭說異者鄭用大傳今文說孟子蓋古文說也
夏德若茲今朕必往爾尙輔

子一人致天之罰

注

史遷輔作及

疏

茲者釋詁云此也
輔者釋詁云備也

又云弼輔也子一人者白虎通號篇云尙書曰或稱一
人王者自謂一人者謙也欲言已材能當一人耳論語
曰百姓有過在子一人史公輔
子其大賚汝

注

史遷賚

作理鄭康成曰賚賜也

疏

史公賚爲理者理與釐通玉
篇引蒼頡釐賜也書序帝釐

下土方馬注云釐賜也理也鄭注
見史記集解云賚賜者釋詁文

爾無不信朕不食言

注史遷作女母不信

疏

食者釋詁
云僞也

爾不從誓言子則孥

戮汝罔有攸赦

注

史遷爾作女孥作帑戮作僇罔作無

鄭康成曰大罪不止其身又孥戮其子孫周禮云其奴

男子入于罪隸女子入于春槩

疏

孥俗字當從史記作帑戮者廣雅釋詁云

辱也鄭司農說周禮司厲甚是見甘誓疏漢書季布樂布傳贊云奴僇苟活謂奴隸僇辱之也說文云男有臯曰奴奴曰童也文曰妾古無從坐之法漢法因暴秦之舊未能盡除鄭用漢法說經失之罔有攸赦者軍法無赦令非常法也常刑則有赦史記秦始皇本紀二十六

年於是急法久者不赦是不赦者亦秦法也史公孥爲帑者說文無孥字有帑云金幣所藏左傳秦人歸其帑詩樂爾妻帑皆作帑戮爲僇者僇假借字表記云則刑戮之民也釋文亦作僇罔爲無者釋言文鄭注見書疏云大罪不止其身又孥戮其子孫者蓋謂叛軍之法故云大罪然古之用刑父子兄弟罪不相及史記商君傳孝公以衛鞅爲左庶長卒定變法之令令民爲什伍而

相收司連坐事末利及怠而貧者舉以爲收擊索隱云
收錄其妻子沒爲官奴婢蓋其法特又重於古制也然
則鄭云奴戮其子孫又注周禮司厲以爲奴從坐而沒
入縣官者皆暴秦商君之法至漢除之未盡不足爲經
也

湯誓第五終

盤庚第六

商書二

尚書今古文注疏卷六

賜進士及第授通奉大夫山東督糧道加三級孫星衍撰

注 史遷說帝盤庚崩弟小辛立是爲帝小辛帝小辛立

殷復衰百姓思盤庚迺作盤庚三篇馬融曰盤庚祖乙
曾孫祖丁之子不言盤庚誥何非但錄其誥也取其徙
而立功故以盤庚名篇鄭康成曰盤庚湯十世孫祖乙
之曾孫以五遷繼湯篇次祖乙故繼之子上累之祖乙
爲湯元孫七世也又加祖乙復其祖父通盤庚故十世
祖乙居耿後奢侈踰禮土地迫近山川嘗圯焉至陽甲

立盤庚為之臣乃謀徙居湯舊都上篇是盤庚為臣時

事下篇盤庚為君時事

附盤庚為第六者百篇之書湯誓後皆為亡篇惟盤庚在伏

生二十九篇中堯典疏云鄭元則於伏生二十九篇之內分出盤庚三篇則知今文盤庚為一篇也今仍為一篇史公說見殷本紀云此盤庚三篇是小辛時百姓所作者言小辛時民思盤庚追紀盤庚遷居申戒羣臣之事此孔安國故與馬鄭異也魏志董卓傳注引華嶠漢書曰司徒楊彪曰昔盤庚五遷殷民胥怨故作三篇以曉天下之民而海內安穩則謂盤庚自作也馬注見釋文云不言盤庚誥何者春秋左氏哀十一年傳引此篇云盤庚之誥經不言誥直以盤庚名篇者書疏云桓六年左傳云周人以諱事神殷時質未諱君名故以王名名篇也上仲丁祖乙亦是王名馬以為取其徒而立功是也鄭注俱見書疏云盤庚為湯十世孫者考殷本紀湯太子太丁未立而卒太丁弟外丙外丙弟仲壬太丁子太甲太甲子沃丁沃丁弟太庚太庚子小甲小甲弟

雍己雍己弟太戊太戊子仲丁仲丁弟外壬外壬弟河
宜甲河宜甲子祖乙祖乙子祖辛祖辛弟沃甲沃甲兄
子祖丁沃甲子南庚祖丁子陽甲陽甲弟盤庚相繼立
者凡十八世不數兄弟相及之外丙中壬太庚雍己小
甲太戊外壬河宜甲沃甲南庚則盤庚上數湯爲十世
孫也云篇次祖乙者書序之次盤庚在祖乙後祖乙爲
湯七世孫亦不數兄弟相及盤庚則祖乙曾孫也故云
復其祖父者爲其祖之父也祖乙居耿者般本紀云祖
乙遷于邢索隱曰邢音耿近代本亦作耿今河東皮氏
有耿鄉正義曰括地志云絳州龍門縣東南十二里耿
城故耿國也案漢書地理志河東皮氏耿鄉故耿國在
今山西河津縣云祖乙居耿後奢侈踰禮云云者後漢
書文苑傳杜篤奏論都賦曰盤庚去奢行儉于亳書疏
引汲冢古文云盤庚自奄遷于般者蓋祖乙圮於耿遷
於奄盤庚自奄遷於亳般與鄭說不合汲冢書未可據
也云徙湯舊都者般本紀云帝盤庚之時般已都河北
盤庚渡河南復居成湯之故居案卽偃師也云上篇是
盤庚爲臣時事者篇中有云我王來又云盤庚敷于民

又云王若曰是為臣時所稱也

盤庚遷于般

注盤一作般

疏盤熹平石經作般漢書楊雄傳般庚所遷亦作般遷

者廣雅釋詁云徙也言將徙於般

民不適有居

疏適者一切經音義引三蒼云悅也言民不

悅新邑

率籲眾感出矢言

注感一作戚

疏率者借為聿說也本字作聿說

文云詮詞也籲者說文云呼也引此經感作戚益謂貴戚近臣矢者釋詁云陳也言呼眾近臣聽其陳言又矢

言或是正言廣雅釋詁云矢正也史記般本紀云盤庚乃告諭諸侯大臣曰鄭注周禮云盤庚將遷于般誥其

世臣卿大夫道其先祖之善曰我王來既爰宅于茲重功是知眾戚為貴戚近臣也

我民無盡劉不能胥匡以生卜稽曰其如台

疏我王謂祖乙爰

者釋詁云於也宅于茲謂居于耿重我民者言以重違民情劉者釋詁云殺也言我民若為水所害是我殺之

所謂思天下有解由已溺之母令其盡尼于水也胥者釋詁云相也匡者杜氏注左傳匡救其災云匡亦救也稽者廣雅釋言云考也考卜先王有服恪謹天命茲猶者周禮太卜國大遷則貞龜

不常寧不常厥邑于今五邦

注

馬融曰五邦謂商丘亳

鄒相耿也鄭康成曰湯自商徙亳數商亳鄒相耿爲五

疏

釋詁云服事也恪敬也寧安也邑邦者說文皆云國也言先王有事敬謹順天此猶不敢常安其邑往來

遷居凡有五國殷本紀云湯始居亳從先王居正義引括地志云亳邑故城在洛州偃師縣西十四里本帝嚳之墟商湯之都也又云帝仲丁遷于囂索隱云囂亦作囂並音敖字正義曰括地志云滎陽故城在鄭州滎澤縣西南十七里殷時敖地也書疏引李願云囂在陳留浚儀縣則在今開封府西北殷本紀又云河亶甲居相正義曰括地志云故殷城在相州內黃縣東南十三里即河亶甲所築都之故名殷城也又云祖乙遷于邢正

義曰括地志云絳州龍門縣東南十二里耿城故耿國也
也在今河南偃師縣陳在今河南滎陽縣相在今河南
南內黃縣耿在今山西河津縣并湯前所都商丘今
河南商丘縣共爲五邗也馬注見釋文鄭注見書疏今
不承于古因知天之斷命

疏承者詩傳云繼也天之斷命言天命絕于此邑將承

其命于新邑當繼

古人遷都之事 矧曰其克從先王之烈

疏矧俗字當爲殊釋言

矧况也克能也 釋言云烈業也

若顛木之有由藥也 馬融曰顛木而

肆生日枿天其永我命于茲新邑紹復先王之大業

綏四方

疏頤者廣雅釋言云倒也由說文作粵云木生條也引此經作粵枿云古文言由枿藥說文

作粵云伐木餘也引此經或作藥云古文作不稗亦古文釋詁云永長也紹繼也底待也綏安也言我遷于殷如仆木之更生枝條是天將引長我命于此邑繼復先王之大業待安四方馬注見釋文云肆生者詩云肆

餘也新而復生日肆枿者釋詁云餘也方言
云枿餘也陳鄭之間曰枿秦晉之間曰肆
般庚敷于

民由乃在位以常舊服正法度注史遷說爲告諭諸侯

大臣又說爲法則可修曰毋或敢伏小人之攸箴注馬

融曰箴諫也鄭康成曰奢侈之俗小民咸苦之欲言于

王今將屬民而詢焉故敕以無伏之王命眾悉至于廷

疏敷者說文云覺悟也在位謂有位諸臣由在位以曉
諭眾民周禮小司寇掌外朝之政以致萬民而詢焉

是也以前說文云用也舊服謂故事法度法則也說文
云度法制也正謂修正之史公說見般本紀云般庚乃

告諭諸侯大臣曰昔高后成湯與爾之先祖俱定天下
法則可修卽約此文伏者廣雅釋詁云藏也悉者釋詁

云盡也廷者朝中也命眾至于廷則民箴無敢伏矣馬
注見釋文云箴諫者周語召公諫厲王云師箴百工諫

庶人傳語注云箴刺王闕鄭注見書疏云屬民而詢者周禮邠大夫職云國大詢于眾庶則各帥其鄉之眾寡而致之朝小司寇職云一日詢國遷是遷國必詢眾庶也故云屬民而詢也屬聚詢謀也云敕以無伏之者說文云敕王若曰疏則史公以爲小幸時百姓思盤庚所作誠也

爲臣時事則此土謂陽甲也

格汝衆予告汝

疏格者釋言云來也訓予告汝當斷句

汝猷

疏釋詁云訓道也道卽導又云猷道也訓汝猷者言導汝以道也

黜乃心無傲從

康

疏廣雅釋詁云黜去也傲慢從安之心下文云汝克黜乃心知黜言去汝傲慢從安之心

乃心古我先后亦惟圖任舊人共政

疏圖者釋詁云謀也任者廣雅釋

爲句古我先后亦惟圖任舊人共政

疏播一作譖

疏播者廣雅釋

話云使也舊人王播告之

疏播一作譖

疏播者廣雅釋

人于其位者

王播告之則當斷句

疏修不匿厥指

文作譖云敷也商書曰

修不匿厥指

疏修者王逸注楚

王播告之則當斷句

修不匿厥指

疏修者王逸注楚

廣雅釋詁云隱也指者釋言云示也說文有慎字云意也慎亦同旨言王爲敷告之言行之甚遠無隱其意旨者

王用丕欽罔有逸言民用丕變

疏

欽者釋詁云敬也逸者釋言云過也

變讀如論語齊一變魯一變之變廣雅釋詁云移變敬也變卽移易言王敬其令無有過言民從其令用是變化二丕今汝聒聒

注

馬融曰聒聒拒善自用之意鄭康

成曰聒讀如聒耳之聒聒聒難告之貌

疏

聒說文作聒云善自用之

意也引此經重文作聒云古文从耳此聒字卽聒省也善疑當作拒善說文脫一字馬注見書疏云拒善自用者孟子云苟不好善則將日詭詭予既已知之矣詭詭之聲音顏色距人于千里之外是拒善之意鄭注見書疏云讀如聒耳之聒者一切經音義廿一引蒼頡篇云聒擾亂耳孔也杜預注左傳云聒謹語也爲謹語以拒人言故起信險膚予弗知乃所訟

疏

起者高誘注呂氏春秋云興也險者

廣雅釋詁云表也說文有儉云誠也險聲近儉膚者廣雅釋詁云傳也訟者說文云爭也言羣臣讎言拒善而與信邪險膚傳之語或膚浮也卽下浮言我不知其所爭辨何事 非予自荒茲德惟汝

含德

注史遷說舍而弗勉何以成德

疏

荒者賈誼新書道術篇云以已

量人謂之恕反恕爲荒詩箋云荒廢亂也言非我廢前人之德汝自舍其德而弗勉也史公約此文云舍而弗

勉則當

爲舍德

注

惕一作施

疏

惕者爾雅郭注引韓詩云惕惕悅也

言汝不悅從我也白虎通號篇云天下之大四海之內

所共者一人耳故尚書曰不施予一人卽引此文也詩

釋文六引韓詩曰施善也施蓋惕之綬讀善義 予若觀

亦近悅也釋言云夷悅也惕與施皆聲近夷

注

火予亦拙謀作乃逸

注

拙一作矧 觀讀當爲權周禮司權注云權讀如

子若觀火之觀今燕俗名湯熱爲觀則觀以此觀火爲

矧火也說文云矧火光也商書曰予亦拙謀矧若巧拙

之拙類篇引說文作火不光也今本說文脫一字言我
如燼火之不用其光謂無赫赫之威也謀作乃逸逸者
高誘注呂氏春秋云安也作者釋言云爲也言謀爲汝
安居耳說文謀字屬上句莊氏述祖云當讀謀作乃逸
若網在綱有條而不紊若農服田力耆乃亦有秋

疏者網

說文云維絃繩也詩棫樸云綱紀四方箋云以綱苦喻
爲政張之爲綱理之爲紀疏引說文云綱網絃也約詞
紊者說文云亂也引此經說文云農耕也反治也服與
反通耆者詩傳云斂之曰耆言汝當從我教令若網之
有綱綱舉而紀不亂若農之治田用力耆事乃有秋收
漢書成帝紀詔云書不云乎服田力耆乃亦有秋注應
邵曰農夫服田厲其
斂力乃有秋收也 汝克黜乃心施實德于民至于婚

友丕乃敢大言汝有積德

疏

克者釋言云能也言汝能
去其傲慢從康之心施實

惠于衆民至于婚姻僚友乃可大言汝有積德時諸臣
之不欲遷居者方自謂有積德于民于婚友皆虛言也

乃不畏戎毒于遠邇

疏戎者釋言云相也毒者廣雅釋

惡于遠近情農自安不昏作勞不服田畝越其罔有黍稷

鄭康成曰昏讀爲敬勉也

疏情者廣雅釋詁云懶也昏者釋詁云強也服者

說文云良治也服與良通畝說文云六尺爲步步百爲畝越者釋詁云粵於也越聲近粵釋文云越本一作粵罔者釋言云無也黍者說文云禾屬而黏者也以大暑而種故謂之黍黍之屬稌也稌也稷者說文云齋也齋或作棗漢人謂之嘉穀亦謂之粟卽今俗云小米也言汝畏遷居如情農之圖安不強力作爲勞苦之事田畝不治無有收穫也鄭注見魏志注及書疏云昏讀爲敬者說文有敬字云疆也以敬爲冒此借字云敬勉者薛綜注西京賦云昏勉也玉篇云敗勉也是敗敬字之正俗

女不和吉言于百姓惟汝

自生毒乃敗禍姦宄以自災于厥身乃旣先惡于民乃

奉其恫汝悔身何及

注身一作命

疏

和者釋詁云諧和也吉者說文云善

也毒者說文云嫉毒也或作嫉是嫉爲毒也敗者方言云露敗也敗亦爲露姦宄者魯語里革曰竊寶者爲軌用軌之財者爲姦言以致敗禍發露其姦宄之行災者釋詁云我危也我同災奉者說文云承也恫者釋言云痛也言汝不以善言和諭百官惟汝自生嫉惡以致敗露姦宄之行危及其身旣導民以惡乃自承其禍痛悔之無及矣熹平石經身作命

相時儉民

注

馬融曰相視也儉利小小

見事之人也儉一作憊一作散

疏

釋詁云相視也時是也儉說文云誠也儉

利於上佞人也說文又作憊云疾利口也引此經熹平石經儉作散案說文儉與憊義相近蓋古文作儉孔壁古文作憊今文作散也馬注見釋文云儉利小小見事之人者廣雅釋詁云籤利也方言云纖小也儉音與籤纖相近故馬氏猶胥顧于箴言其發有逸口矧予制乃以利及小釋之

短長之命

疏言視此利口少少見事之人尚猶相顧于

之命令而可輕發乎命者鄭注禮記云謂政令也是命即令也

汝曷弗告朕而胥動以

浮言恐沈于衆

疏

曷者釋言云益也廣雅釋詁云何也沈者莊子釋文引司馬注云深也說

文執讀若告言不正曰抗疑告言不正是沈字書說惟君制令汝不稟承而相動以虛言恐衆惑之深左傳引

下文有云惡之易也恐惡衆易字形相似或古文作惡之易三字未敢定之

若火之燎于原

不可嚮邇其猶可撲滅

注

嚮一作鄉

疏

春秋左氏隱六年傳云君子曰

長惡不悛從自及也雖欲救之其將能乎商書曰惡之易也如火之燎于原不可嚮邇其猶可撲滅注云言惡易長如火焚原野不可鄉近言不可撲滅莊十二年傳引云商書所謂惡之易也亦作鄉字案今經本無惡之易也鄉作嚮俗字當為則惟汝衆自作弗靖

注馬融曰

鄉燎者說文云放火也

靖安也

疏

靖者藝文類聚八十七引韓詩曰靖善也堯

作靖言是靖與善同義言汝自作不善卽上文所云先

惡于民也馬注見釋文云靖安者靖與靜通故廣雅釋

詁云安靜也

非予有咎遲任有言曰

注

馬融曰遲任古

老成人鄭康成曰遲任古之賢史

疏

馬注見釋文鄭注見書疏

人惟

求舊器非求舊惟新

注

人惟求舊一無求字下求一作

救

疏

言人惟求舊者明上文言先王圖任舊人用器舊

則更新喻國邑圯毀當遷新邑也人惟求舊熹平

石經作人惟舊器非救舊求作救者周禮大司徒之職

云正日景以求地中注云故書求爲救杜子春云當爲

求堯典旁求是求救通也

古我先王暨乃祖乃父胥及逸勤

疏

釋詁云暨及與也勤

予敢動用非罰

注

敢一作不敢

疏

勞也先王謂湯殷本

紀云盤庚乃告諭諸侯大臣曰昔我高后成湯與爾之先祖俱定天下卽約此文言相與共勞逸我不敢輒用非罰也非罰謂罰之不當者敢世選爾勞予不掩爾善詩文王疏引五經異義作不敢

茲予大享于先王爾祖其從與享之禮大傳說古者諸

侯始受封則有采地百里諸侯以三十里七十里諸侯

以二十里五十里諸侯以十五里其後子孫雖有罪黜

其采地不黜使其子孫賢者守之世世以祠其始受封

之人此之謂興滅國繼絕世書曰茲予大享于先王爾

祖其從與享之此之謂也鄭康成曰大享謂烝嘗也掩

一作絕又作夤禮選者漢書注孟康云敷也勞者周禮司勳職云事功曰勞不絕其善者卽

大傳所云諸侯子孫采地不熟也。大享謂禘祭于明堂。曲禮云：大饗不問卜。注云：祭五帝於明堂，禮器云：大饗。腥注云：大饗，祫祭先王也。疏引鄭注論語云：禘祭之禮，自血腥始。禮器又云：大饗，其王事與下言諸侯之貢諸侯之賓，是大饗，卽禘祭也。商頌長發：大禘之詩云：受小珠大球爲下國綴旒，受小共大共爲下國駿龐。惟禘有諸侯助祭，公羊文二年傳何休注云：禘所以異于祫者，功臣皆祭也。案經云：大享卽禮記大饗也。云：滿祖其從與享之知爲禘也。大傳說見路史國名紀四，鄭注見周禮司勳疏云：大享謂烝嘗者。王制云：天子諸侯宗廟之祭，春曰禘，夏曰禘，秋曰嘗，冬曰烝。注云：此蓋夏殷之祭，名周則改之。春曰祠，夏曰禘，以禘爲殷祭，祭統云：凡祭有四時，春祭曰禘，夏祭曰禘，秋祭曰嘗，冬祭曰烝。注云：謂夏殷時禮也。祭統又云：禘，禘陽義也。嘗，烝陰義也。禘者，陽之盛也。嘗者，陰之盛也。故曰：莫重於禘，嘗案此則大享當是禘嘗而鄭以爲烝嘗者，周禮司勳云：凡有功者，銘書於王之常祭於大烝，司勳詔之。注云：生則書于王旌以識其人，與其功也。死則于烝先王祭之，詔謂

告其神以祠也。般庚告于卿大夫曰：茲于大享于先王，爾祖其從與享之，是也。書疏之釋鄭注云：知烝嘗有功，臣與祭者以周禮此文嘗是烝之類，故以嘗配之。又云：秋冬之祭尚及功臣，則禘祫可知。又釋大享云：若烝嘗對禘祫，則禘祫爲大，烝嘗爲小。若四時自相對，則烝嘗爲大，禘祫爲小。是鄭注雖舉烝嘗爲大，享亦未嘗不兼禘祫也。爾雅禘爲大祭，凡祭之大於餘祭者皆得爲禘。故冬至祭昊天上帝于圓丘，夏至祭感生帝于南郊，及宗廟五年一祭，皆爲禘。左傳云：烝嘗禘于廟，是烝嘗亦得名禘也。掩詩文王疏引五經異義用此文作絕釋文云：掩又作福，作災，予亦不敢動用非德。疏言汝之福災作矣。亦不敢動用非罰。此言不敢動用非德者，祭統云：古者於禘也，發爵賜服，順陽義也。於嘗也，出田邑，發秋政，順陰義也。非德謂發爵賜服之不當者。予告汝于難，若射之有志。注鄭康成曰：我告汝于我心，至難矣。夫射者張弓屬矢而志在所

射必中然後發之爲政之道亦如是也以已心度之可

施于彼然後出之

疏

志字古作識論語于張篇賢者識其大者不賢者識其小者熹平石

經作志是古文識今文作志也鄭注周禮保章氏云志古文識疑說文爲識重文今脫之志者儀禮既夕記云志矢一乘注云志猶擬也書云若射之有志是志者擬也廣雅釋詁云志識也春秋左氏定八年傳云顏息射人中眉退曰吾志其目也言爲政之難不可輕發鄭注見書疏云張弓屬矢者屬緩讀則爲注杜注左傳云注傳矢也

汝無老侮成人無弱孤有幼

注

鄭康成曰老弱皆

輕忽之意也老一作翕弱一作流

疏

侮者廣雅釋詁云傷也老侮孔氏書

正義本作侮老據唐開成石經更正鄭注見書疏以老弱爲輕忽之意者漢書趙充國傳云上老之戚氏備曰左傳宋華閱卒華臣弱臯比之室杜注云弱侵易之老弱爲輕侮之詞熹平石經老作翕今文也翕侮猶言

狎侮假音字石經又以流爲弱各長于厥居勉出乃力
鄭注鄉飲酒義云流猶失禮也

聽予一人之作猷

疏

釋詁云育長也猷謀也作者釋言云爲也各自愛養其身勉出其力

從予之謀段氏玉裁云猷已也以作猷爲作止謂或作或輟也無有遠邇用罪伐厥死

用德章厥善

疏

伐者廣雅釋詁云擊也章同彰廣雅釋詁云明也言遠則諸侯近則臣工一體

伐死章善無偏諛邦之臧惟汝衆邦之不臧惟予一人有佚罰

疏

臧者釋詁云善也佚同逸釋言云過也周語內史過云在般庚曰國之臧則惟汝衆國之不臧則惟予一

人有逸罰注云臧善也國俗之善則惟汝衆歸功于下也逸過也罰猶罪也國俗之不善則惟予一人是我有

過也言其罪當在我也經文國爲邦者後人疑國凡爾爲漢人避諱字改之實當爲國佚經作逸義通

衆其惟致告自今至于後日各恭爾事齊乃位度乃口

罰及爾身弗可悔**注**恭一作共乃口一作爾口度一作

渡**疏**

恭與共通釋詁云共具也齊者廣雅釋言云整也度說文作威云閉也此省文熹平石經恭作共乃

口作爾口度釋文云字亦作渡言自今至于異日各供具爾事齊一其位杜塞其口不然者罰及其身悔之已遲也此爲上篇段氏玉裁云熹平石經中篇建乃家之下下篇盤庚遷之上空一字則上篇中篇交接處石本亦必空一字

今用其例

盤庚作惟涉河以民遷**注**鄭康成曰作

渡河之具

疏

涉者廣雅釋詁云渡也取在河北殷在河南鄭注見書疏作謂造作舟楫也鄭以經

云惟涉河則上云作必渡河之具

乃話民之弗率誕告用直**注**馬融作

單曰話告也言也單誠也其有衆咸造**注**馬融曰造爲

也**疏**

話者說文云合會善言也率者釋詁云循也誕大也直誠也言會合民之不循教遷居者而善言告

之以誠其有衆咸爲渡河之具也馬注俱見釋文話告者詩抑云告之話言釋詁云話言也造爲也馬云造爲也當卽鄭注所言作渡河之具詩文王云造舟爲梁箋云天子造舟周制也殷時未有等制釋水李巡曰比其舟而渡曰造說文云古文造从舟字作舩勿襄在王廷盤庚乃登進厥民

夔者韋昭注楚語云近也言未近在王廷登者釋詁云升也言升進民于中廷而詢之也鄭云作渡河之具則

以此登舟曰明聽朕言無荒失朕命

荒者詩傳云虛也失江氏聲讀爲佚

說文云佚鳴呼古我先后罔不惟民之承保后胥感解

一日忽也

注感一作高以不浮于天時

承者文選注廿五引華章句曰受也保者說文

云任保也蓋言任使下文承汝俾汝俾使也洛誥云承保乃文祖受命民是承保讀當絕句承保猶易言容保

民也后胥感者說文云憾憂也謂后亦與民共憂患鮮

者釋詁云早也浮當讀爲字言君民親附早有不孚于

天時者孟子云天時地利不如人和熹平石經感作高
江氏聲云胥高謂相度高山解者詩云度其鮮原下篇
所謂適于山也鮮字屬上讀如江氏說以殷降大虐
不浮于天時浮者高誘注淮子云猶罰也

鄭康成曰殷者將遷于殷先正其號名先王不懷厥攸

作視民利用遷汝曷弗念我古后之聞

疏云殷降大虐者謂先王時

天降大災也時未遷殷而稱殷者如鄭說先正其號名
先王不懷厥攸作者言先王不安其所始居之地視利
于民則遷之懷者釋詁云安也作者詩傳云始也言汝
何不念我古后之舊聞乎鄭注見書疏云先示其號名
者述降虐之時尚未遷殷而承汝俾汝惟喜康共非汝
卽以此爲號名是先正之也

有咎比于罰予若籲懷茲新邑亦惟汝故以丕從厥志

疏承俾卽上文承保也承汝卽受汝俾汝者釋詁云使
也喜樂康安共具並釋詁文若順懷來並釋言文丕

詞也言我之遷徙者受汝使汝惟喜安居以供爾事非
因汝有過比于放流之罰也予順呼汝來此新邑亦惟
承保汝之故汝當從其志勿違之
今予將試以汝遷安定厥邦汝不憂

朕心之攸困

注

汝遷一作爾遷邦一作國汝不作今汝

不乃咸大不宣乃心欽念以忱動予一人

疏

試者說文云用也咸

者釋詁云皆也宣讀爲和王氏引之云周禮太宰之職
正月之吉始和布令于邦國都鄙卽小司寇職正歲帥
其屬而觀刑象乃宣布于四方也檀弓曹桓公卒於會
鄭注云曹伯盧謚宣言桓聲之誤也是宣聲近桓禹貢
和夷底績鄭注讀和爲桓則宣乃心謂和乃心也欽者
釋詁云敬也忱者詩傳云信也言我用遷居汝者將令
安定于新邑汝大不和衷
敬思以誠信感動我也
爾惟自鞠自苦若乘舟汝弗

濟臭厥載

疏

鞠同鞠釋言云窮也卽說文窮字省濟者
梓言云渡也臭讀當爲爽說文云腐气也

又云所腐也。或作朽。廣雅釋器云：所臭也。言爾徒自窮苦，譬如登舟不渡，坐待其朽敗。爾忱不屬。

惟胥以沈。淮馬融曰：屬，獨也。不其或稽自怒，曷瘳汝不

謀長以思，乃災汝誕勸憂。淮稽一作抽，怒一作怨，誕一

作永。疏屬者，鄭注：士昏禮云：注也。沈者，廣雅釋詁云：沒也。稽者，說文云：留止也。瘳者，說文云：疾病愈也。

誕者，釋詁云：大也。勸者，廣雅釋詁云：助也。言乘舟弗濟，汝誠不專注之，故既朽敗，其載當相與有沉溺之患。其

或留止不進，自恚怒，何能愈乎？汝無遠謀，以思災患，大

足助憂耳。江氏聲說以左傳：兆憂杜注云：開憂兆熹平

石經稽作迪，怒作怨，誕作永，釋詁云：迪進也。言汝不宥

進，自怨，何益？徒長助我憂。馬注：見釋文。未詳王氏鳴盛

云：當云不獨也。今其有今罔後，汝何生在上。疏罔者，釋詁云：無也。上謂地上。有

今無後言死，凶無日汝。今予命汝一無起穢，以自臭，恐

何得尚生在地上乎。

今予命汝一無起穢以自臭恐

人倚乃身迂乃心

疏

穢當作蕞漢書武帝紀注晉灼云蕞古穢字說文有蕞無穢蕞者考

工記云敗蕞臭同與倚同倚說文倚偏引也詩小弁云伐木倚矣傳云伐木者倚其顛疏云倚者倚也迂者說文云避也又云避回也言今子令汝一其心志無以敗蕞之物以自與喻浮言之不可鄉邇也恐人之倚引汝身迂回汝心言牽掣誘引之使不得自由也

奉畜汝衆

注

迂一作御

疏

釋詁云訝迎也續繼也高誘注淮南子云奉助也鄭氏注

易云畜養也言天將永我命于茲新邑我為汝迎而續之非以威脅汝遷也用助養汝衆民而已顏師古匡謬正俗引經文迂作御云詩鵲巢云百兩御之訓解皆為迎徐仙民並音訝案說文無迂字當為訝或為御初唐人引書作御則迂是衛包所改矣

爾

注

丕一作不用懷爾然失于政陳于茲高后丕乃崇

降罪疾

注

崇一作知曰曷虐朕民

疏

神后高后皆謂成湯也神者配天之

稱說文天神曰神克者釋言云能也羞進懷安皆釋詁文陳者釋詁云延也聲又近塵釋詁云塵久也崇者釋詁云重也言我念先后成湯之與汝祖共勞我今不克進爾于樂土以安爾身然則是我失于政令而延久于此我高后在天之靈將重降罪疾于我曰何爲而虐我民熹平石經崇作知江氏云今文爲知者言高后毋乃知之汝萬民乃不生暨予一人猷同心先后丕降與汝

罪疾曰曷不暨朕幼孫有比

疏

生者詩傳云財業也生

生者不生釋文引崔云常營其生爲生生猷謀比備皆釋詁文也幼孫盤庚自謂陽甲爲長故曰幼也言汝萬民乃不知自營其生與我同心共謀遷徙之事先后將降與汝罪疾曰何不與我幼孫爲輔下篇云不肩好貨敢共生生又云無總于貨寶生生自庸敕戒君臣不可營生生之事此責萬民不生生生者春秋左氏文七年傳

云正德利用厚生謂之三事文六年傳云時以作事專以厚生孟子云孳孳爲利小人之事王者藏富于民百姓足君孰與不足故責之以不生生下文又云故有爽往哉生生謂去舊都奢侈之俗適新邑以營生故有爽

德自上其罰汝汝罔能迪

疏

言云差也忒也自上言先

后在天之靈迪者馬氏注多方迪作攸攸同筮說文云長也卽下文崇降弗祥石經作不永也言汝今有差忒之行先后自上其罰汝汝無能自久長也古我先后既勞乃祖乃父汝共作

我畜民汝有戕則在乃心

注

戕一作近

疏

作者釋詁云爲也畜音近

好祭統云順于禮不逆于倫是之謂畜注云畜謂順于道教戕者鄭注易云傷也在者釋詁云察也言我先王既勞汝之祖父汝共爲我順于道教之民有傷及汝則乃祖乃父當察知之下文云救乃死是也熹平石經戕作近云有近則在乃心者釋詁云我先后綏乃祖乃父則法也蓋言汝當近法乃祖父

乃祖乃父乃斷棄汝不救乃死

疏

按者釋詁云安也斷者說文云絕斷絲也

斷亦爲絕棄者說文云捐也言我先王遷居以安汝祖父今汝不從令汝祖父將絕棄汝不救其死何止有傷

乎茲予有亂政同位具乃貝玉

疏

釋詁云共具也說文云貝海介蟲也古者

貨貝而寶龜周而有泉至秦廢貝行錢管子國畜篇云玉起于禺氏金起于汝漢珠起于赤野距周七千八百里先王爲其途之遠至之難故託用于其重以珠玉爲上幣黃金爲中幣刀布爲下幣是貝玉古以代刀布言有亂政之臣在位惟知共乃祖乃父丕乃告我高后

具貨幣以致民俗奢侈

注

乃父一作先父我高后一作乃祖乃父

疏

乃父唐開成石經作先父

我高后釋文云本又作乃祖乃父段氏玉裁云當讀乃祖乃父丕乃告絕句乃祖乃父曰作丕刑于朕孫絕句

曰作丕刑于朕孫

注

孫一作子孫

疏

唐石經孫上有子字

迪高后

不乃崇降弗祥

注

崇一作興弗祥一作丕永

疏

崇降弗祥熹平

石經作興降丕永丕不同說文云刑罰罪也祥福也迪者釋詁云道也道猶導也崇者釋詁云重也言汝祖父惡子孫之貪婪乃告高后以爲罰于我子孫導我高后重降殃禍于汝漢石經崇作興者馬注君疏云崇充也詩天保箋云興盛也充盛義相近故今文云興降也不永者不永言不長也祥以羊爲聲養漾俱長也今文作不永知弗祥

鳴呼今予告汝不易

注

鳴呼一作於戲鄭

康成曰我所以告汝者不變易言必行之

疏

鄭注見書疏鳴呼熹

平石經作於戲

永敬大恤無胥絕遠汝分猷念以相從各設中

于乃心

注

分一作比設一作翕

疏

恤者釋詁云憂也分者高誘注呂氏春秋

云猶異也論語集解引孔氏注云民有異心日分言遇大憂當長敬其上無相絕遠汝之異謀當思從順以各

設中正于汝心諭令同心遷徙無疑貳也熹平石經分
作比設作翁詩傳云擇善而從曰比廣雅釋詁云歆順
也翁者釋詁云合也言汝當比順乃有不吉不遘顯越
思以相從各合于中道此今文義

不恭暫遇姦宄我乃劓殄滅之無遺育無俾易種于茲

新邑

疏

吉者說文云善迎者釋詁云道也類與慎通廣
雅釋詁云狂也越者漢書集注文穎云踰也恭

與鮮聲相近說文云慙也暫遇王氏引之云暫讀曰漸
漸詐也遇讀偶睦智故謂之偶人不正謂之遇荀子正
論篇云上幽險則下漸詐矣呂刑曰民興胥漸大傳云
苗民用刑而民興犯漸俱謂詐也淮南原道篇云偶睦
智故曲巧偽詐是以偶爲姦邪之稱也說文云齟齬不
正也遇音近齟義亦爲不正姦宄者說文云宄姦也外
爲盜內爲宄古文作父怒劓者說文劓之或字廣雅釋
詁云劓斷也殄者釋詁云絕也育者釋詁云長也易者
魯語云譽之如疾余恐易焉醫書有陰易陽易言病相
延染俾者釋詁云使也言有不善不道顯狂踰法不愆

志者及詐邪茲究之行我則斷絕之無使滋長其類于
新邑春秋左氏哀十一年傳子胥引盤庚之誥曰其有
無越不共則則殄無遺育無俾易種于茲邑注云顛越
不共從橫不承命者也則割也殄絕也育長也俾使也
易種轉生種類史記伍子胥傳引此經畧同此左傳文
多吳世家集解引服虔曰顛殞也越墜也顛越無道則
割絕無遺也往哉生生今予將試以汝遷永建乃家疏建者
釋詁云立也言汝往營生生于新邑今我將用以汝從
長立汝家喜平石經建乃家下空一字段氏玉裁云此
歐陽尚書舊式也

盤康既遷奠厥攸居乃正厥位

注

鄭康成

曰徙主于民故先定其里宅所處次乃正宗廟朝廷之

位

疏

鄭注見書疏以奠爲定者見禹貢疏云徙主于民

者王制云司空執度地居民周禮地官小司徒
云經土地而井牧其田野九夫爲井四井爲邑云云是
也云正宗廟朝廷之位者鄭注天官辨方正位引名詁

太保乃以庶殷攻位于洛汭越五
日甲寅位成與此解正厥位畧同
綏爰有衆注鄭康成

曰爰于也安隱于其衆也疏鄭注見魏志武帝紀注以
綏爲安爰爲于皆釋詁文

隱亦爲安者廣雅釋詁文也曰無戲怠懋建大命注鄭康成曰勉立

我大命使心識教令常行之無戲怠一作女罔台民懋

一作勛疏戲者釋詁云戲謔也怠者釋言云懈怠也鄭
注見書疏以懋爲勛釋詁文建爲立廣雅釋

詁同命爲教令者釋詁命令同爲告也鄭注禮記云命
謂政令也無戲怠熹平石經爲女罔台民作勛建大命
以罔代無者釋言文台者方言云失也宋魯之間曰台
懋爲勛者釋訓云懋懋勉也與勛同義言汝無失民勉
立大令也今予其勛心腹腎腸歷告爾百姓于朕志注夏侯

等書說心腹腎腸爲優賢揚歷疏數同莠說文云布也
志者廣雅釋詁云意

也心腹腎者白虎通情性篇云五藏者何也謂肝心肺腎脾也六腑者何謂也謂大腸小腸胃膀胱三焦膽也然則心腎屬藏腸屬腑釋名云腹複也富也腸胃之屬以自裏盛復於外複之其中多品似富者也春秋左氏宣十二年傳鄭伯云敢布腹心用此經文也夏侯等書為優賢揚歷者見書卷二疏云夏侯等書心腹腎腸曰憂賢陽疏文舛誤當為優賢揚三字文選左太冲魏都賦曰優賢著於揚歷張載注云尚書盤庚曰優賢揚歷歷試也魏志管寧傳陶丘一等薦寧曰優賢揚歷裴氏注曰今文尚書曰優賢揚歷謂揚其所歷試未知此云歷試也及謂揚其所歷試是鄭注否不敢妄載為注案心腹二字似優賢字似腎腸字似揚歷字上屬則下告百姓于朕志為句漢成陽令唐扶頌優賢闕歷國三老袁良碑優賢之寵皆用今文尚書

爾無共怒協比讒言予一人
注協比者詩正月云洽比其鄰傳云洽者春秋左氏僖廿二年傳引作協比與此同義言我不罪及汝眾民汝無共相恚怒合附為讒言謗我

古我先

王將多于前功適于山用降我凶德嘉績于朕邦

一作綏

疏先王謂湯釋詁云將大也適往也降者釋言

者釋詁云業也契父帝嚳始居亳其後屢遷而不安湯大前人之功以爲多故又往亳從先王居鄭注立政一毫云東成臯南轅轅西降谷故云適于山也降下凶德者依山地高水下則無河圯之患以致墊陷爲凶德也或德者說文云升也用降我凶爲句下云升嘉績于朕邦熹平石經嘉作綏釋詁云綏安也

今我民

用蕩析離居罔有定極爾謂朕曷震動萬民以遷

一作今爾謂一作惠震一作祇

疏蕩者說文云洪水所蕩決也析者廣雅釋

詁云分也極至震動皆釋詁文言我民爲水蕩決離析不安其居無有定至之處汝方怪朕之動民遷居言不得已熹平石經爾作今爾謂作惠震作祇惠者釋詁惠順也曷盍也祇敬也今文之意言汝順我盍敬動萬民

徙居避患之爲得也祇震聲之轉堯典震敬肆上帝將
史記作振敬內則祇見孺子鄭注祇或作振

復我高祖之德亂越我家朕及篤敬恭承民命用永地

于新邑

疏

釋詁云肆今也亂治也越同粵釋詁云于也

敬也皆釋詁文承同拊謂拯也永者釋詁云長也言今

天將興復我高祖之德治于我家我汲汲敬恭以拊民

于溺以順天命用久

肆予冲人非廢厥謀弔由靈各非

長其地于此新邑

肆予冲人非廢厥謀弔由靈各非

敢違卜用宏茲賁

疏

冲者後漢書冲帝紀引謚法曰幼

文作遇解同釋詁云由從皆自也是由亦從也靈者廣

雅釋詁云善也龜曰卜宏與洪同釋詁云大也賁者廣

雅釋詁云美也言今我幼少之人非不用衆謀但謀之

來至當從其善者汝衆各不違卜用大此美績美績卽

上嘉績江氏聲以靈爲龜以下云嗚呼邦伯師長百執

卜知之易頤初九云舍爾靈龜

嗚呼邦伯師長百執

事之人尙皆隱哉予其懋簡相爾念敬我衆注隱一作

乘懋一作勛

疏

邦伯州伯也師連帥長屬長也王制云千里之內設方伯五國以爲屬屬有長

十國以爲連連有帥三十國以爲卒卒有正二百一十國以爲州州有伯注云殷之州長曰伯虞夏及周皆曰牧百執事謂在朝之臣金縢云二公及王乃問諸史與百執事遷都時畿外諸侯各率其屬以衛從王故邦伯師長與百執事之人並在而呼告之也隱者釋言云占也郭注云隱度上言非敢違卜故此言尚皆占哉論語云不占而已矣懋同茂釋詁云勉也簡者虞翻注易云閱也相者說文云視也我其勉閱視汝其思敬我衆民也熹平石經隱作乘懋作勛乘者周禮彙人乘其事鄭司農云乘計也宰夫乘其財用之出入鄭注云乘猶計也言當計度之亦猶云隱度朕不肩好貨敢共生疏

也懋作勛者釋詁云勉也

釋詁云肩作也共具也言我不作好貨之事敢具生生

之財此明已之去奢卽儉非爲已也江氏聲云生生猶

生息也周禮泉府云凡民之貸者與其有司辨而受之以國服爲之息注鄭司農云貸者謂從官借本買也故有息使民弗利元謂以國服爲之息以其於國服事之稅爲息也於國事受園廛之田而貸萬泉者則期出息

五鞠人謀人之保居敘欽

注鄭康成曰鞠養也言能謀

養人安其居者我則次敘而敬之

疏

鹽鐵論本義篇云盤庚萃居疑卽此

保居也萃者聚也保居謂相保守鄭注見書疏以鞠爲養保爲安皆詩傳文也敘爲次序者說文云敘次第也欽爲敬今我旣羞告爾于朕志若否罔有弗欽

疏若者釋詁文

云順也言我旣告汝以意于汝

無總于貨寶生生自庸

心順否我無不敬而告之也

無總于貨寶生生自庸

疏

總者說文云聚束也庸者廣雅釋詁云用也戒諸臣無聚于貨寶生殖以自用者上自言不作好貨下戒

其臣以生生爲萬民之事不可與之爭利

式敷明德永肩一心

疏

式者釋詁云用也敷

者說文云岐也肩者釋詁云克也戒之
以用施明德長能一心不貳其志也

盤庚第六終